

冬心先生續集

序

冬心先生客遊無方既倦而歸老矣平生嗜好已泊然矣不能唐捐者詩耳詩至癖亦妨學道乃攝租累于既往遺空響于方來匪詩固以哉前代不具論當世鉅手自新城秀水一二公而外多傷流易失不浮不盡之旨先生竊非之故詩不喜多作作亦不循俗可司空表聖自論其詩云直致所得以格自奇格奇未敢居直致所得則自雪刺生顛後閱世深轉於物情近故聊為述之得于羈旅則有杯底青山波上宅年、秋兩夢來時得於閒適則有我是釣師人

識否白鷗前導在春船又經聲出溪中茶器散林
下得於遊覽則有突與老松遇暗隨孤磬行又青
山之青分外青逼真故人雙眼睛又重湖多少秋忽
落青鞵底得於感慨則有人不送迎山送迎又可憐
我老松不老我髮已白松仍青得於曠達則有從
今遣酒營生壙先對青山醉百巡如此數語皆陪
言千載得味無味因排攢續集上下卷成而率
爾言之乾隆十二年太歲在丁卯三月盲錢唐金農
自序

冬心先生續集上卷

錢唐金農壽門

林臥

聞道苦已晚王郎四八年卦開悲損益林臥藐人天且飲
彭澤酒不謀汶陽西南鄰有朱老愛我愛狂顛

月夜聽李山人中喆彈琴二首

孤琴張夜月根清涼月入軒滅燭明莫辨松風與溪籟
七條弦上是何聲

此音最古百靈初洗手再彈心洒如半曲冷誰解聽

謝家池畔一雙魚

遇古水上人

瓢笠宜獨往阿師禪味同林疎目不墮雲懶心相通梵夾
時一檢佛光正當中秋泉亦何苦啼斷蘚床空

自題四十三歲小像後三首

五載重逢身外身二千里路沙塵天涯豈少爭相識
娘子関前墮馬人

柴車已毀慢金無煙權霜蓬計不孤拋却殘書一筆去
有鱸魚處釣江湖

風情頓減鬢絲添越角吳根屬阿誰杯底青山波上宅

年々秋雨夢未時

本序有油燈影語飄零往事無情隔香吳杯底青山波上宅每年秋雨夢中聽

餽菊一篇 有序

冬心先生厨無突煙不為所厄果何術耶客居有
菊數畦采之以當夕餐菊可餽乎因作餽菊詩
一篇

葉疎花更疎寒菊澹如此有酒香入杯無人影在水可以
充齋厨夕糧笑糠粃餐之得長生我亦康風子

法藏禪客見過心出家庵

讀書慈氏廬秋曦倏將暮買山千金無留僧一飯屢黃
鵠渺莫逢白雪狎如故林際雲翠飛微涼半衣履

邵陽褚峻飛白歌 有序

雍正甲寅九月予客廣陵褚峻自吳興來將還
鄧陽從予游者決旬于去之日出宋內庫羅紋紙
界烏絲蘭乞予作飛白歌為言非夫子莫能作
也予時抱禪病未敢破泓穎之戒峻必欲得之
又留三日再請曰歸橐無長物唯求夫子詩壓
裝耳予感其勤倦之意乃賦此篇峻真好詩也
哉峻工飛白書頗得古賢遺法今之人不為也其
善椎拓極搜殘剝剝蝕之文予詩中亦言之世
之交峻者定以予言為可徵也

鄧陽褚峻性好奇九峻山前嘗拓昭陵碑青蓮白椎自

載隨壯哉猛氣可敵千熊羆太少云室搜其秘岷沱大
江探其危蛇虺陰宅虎豹窟獨來獨往恒輞飢石碣有字
掃空苔雨色苟得一字兩字心先馳頻年交我頗資
我百番把贈翠墨光淋漓我如歐趙嗜古志亦苦願補史
傳歲月里爵之闕遺今秋相見邛溝上枯荷敗柳西風
吹我頽惓惓君落窠君時慰我忘孤羈君言曾工飛
白書能作此歌唯吾師我聞飛白人罕習漢世須辨俗
所為用筆似帚却非帚轉折向背未離雪浪輕張仙
鳥翼銀機亂吐冰蠶絲此中妙理君善解變化極巧髣
髴般与倭君誦我詩重再拜發狂笑面同韓皮詰朝別

我君忽去錢刀不計還家貲到處題名磨廢瓦僅逢
秦宮鄰臺當摹追眼底吟牽犬臂鷹手嗚呼峻也
果異幽并兒

斜陽

板橋瓦曲酒壚荒一段清愁百折腸蝶散冷香花落
粉最難畱住是斜陽

雨

夜雨春帷冷淙冰騷屑復嘈此聲如在黃茅驛
酒盡空杯聽一鐙

寄歸安明府裴魯青之晉

故人為令擅風儀日復相思歲及期一樹病梨知作賦
定能除蠱憫瘡痍

春船啣尾春波平酒壓春缸柳滿城可記粥香餠冷候
小敷山下過清明

冬心先生近得二爐古色華妙皆宣德年間物
日煬竈然火以置几席夜則僦之有客過曰
先生冷人何乃耽此熱事可弗為也先生笑不
能答作詩二首聊解賓戲

一雙銅箸撥紅灰獨賞茶寮日百回不逐豪門結爐社
酒杯傾污笑轟雷

小除夕近雪蕭蕭闔戶何人慰寂寥賴有丹陽許玉斧

摩挲鐫字誌前朝

潤州許曼能辨爐之真贋時過予論說頗可聽也

淮隄柳

絲柳一株紅板橋東風用力媚春朝可憐種向淮堤上
不是低頭便折腰

汎蕭家湖

廻汀曲渚暖生煙風柳風蒲綠漲天我是釣師人識否
白鷗前導在春船

東溪曲二首

解憐惜別鳥健棲翠羽明璫肯污泥莫道在江南浦遠

門前香草滿香溪

滿裙人去隔銀塘
厭厭正夕陽
不想青苔想浣步
一條羅帶水痕長

過開高士執中隱居

清光愛平旦盟罷
一相親水涇鄰
左右藥田餘
冬春言酬到居士
心契臧丈人
冲隱有嘉會
著簪不厭貧

簡鄰曲陸秀才立

落花未全落
四月有餘春
野水多于屋
荒苔不見人
臨空遠託寐
屬前因
第一難忘者
茶鄉與菊鄰

寄樓五丈山檀山居

多字題高字
之說

一別故人生百憂
劉伶臺畔熱無休
松風灑面泉喧耳
想住山中五月秋

長夏坐東谿上

圍菴非卑居
逍遙獲長暇
經聲出溪中
茶器散林下
滑簟輕自攜
小風清可借
鳥啼魚從容
吾其同休夏

寄贈天台僧元濟

我愛白足僧
林中置禪室
忍草詎可傷
暴禽久已黜
一縛任譯無
五種食禮畢
閒戀在山泉
石梁不輕出

永軒

東頭開水軒
幽曠彌日夕
後先花漂溪
下上鷗散席
詩

卷得九僧若柯思二客此地可息陰熱中若冰釋

崔氏廳前松

長身數君子綠髮無秋霜舉手招清風梳櫛生疎香腐
苗不敢蒸壞蟻何能戕惟有藍田丞對之名捐忘

薄遊楚州居東溪之上已三易翔晦矣目有所存

古有所言雜書二首以揭坐隅

狗子貓兒可共居天生物性得人如終朝俗客罕相見
豈垢頭脂快洗除

東陽餉米義難受上谷借書老更癡三十年来抱詩苦
冷癥何處問秦醫

東溪

自入東溪住東溪無俗昏水清魚獨樂蒲老雨相喧散
髮已遺世開書合閉門寄言楚州長吾計避朱轡

題倪瓚溪山秋意小幅

稚竹數挺多戰筆秀峯一圭生晚愁溪堂展看小直幅
演々野風衣袖秋

宋人團扇絹本山水

連林迴複山觚稜淺絳顏色青髯髻落筆與人隔千里
從來獨詣羞同能

病起看雨

雪車冰柱見無方
盡日孤藤雙屐忙
貪看綠萍池上雨
果然一雨病先涼

楚州城北荷花二首

三十六陂涼似秋
鸕鷀堰外撐空舟
野荷萬柄綠無路
便有雨聲開不休

香瓣仙根別結胎
暑銷一點透靈臺
勸人小飯畱人宿
半飲花房捧玉杯

中州憺道人梅花歌

林慮山中僧結廬
終朝枯坐心常虛
不語不笑如不食
恍若寒汀宿鷺夜守魚
一丸霜月冷於水
白泠色絕無

萍此時壞袖幕首涕垂膺悲憫人間萬木死對月盡
梅三兩株猩毛縛筆可使驅空圈亂點信手塗排當攢
萼忘其麤似間疎香來撲鼻獨侈清酸少肥膩石作
瘦面苔黏鬚較之越城王郎更好事

茅山訪楊仙翁

仙扉如滑玉仙磴有陰霞列坐雜山鳥逆問尋澗花大
年堯甲子上隱漢元嘉向夕耽言妙清風出齒牙

山中琴興

獨蒨絲作弦撫琴膝上橫山月既可呼竹風紛相迎衆
可同一聽何人求其聲我心出流水秋澗無此清

秋荷

渚宮水殿客依稀，不信人間秋漸非。
連日敗荷傷夜雨，暗銷青蓋落紅衣。

稽留山中讀書二首

上世重韋布，令人貴犀龜。二者性各殊，有賴文字垂。
女蘿長惻惻，貞木高僊僊。觀物遺浮榮，嚴澗無平期。
先民隱於牧，羊豕亦同羣。讀書善解書，五十何苦勤。
一薦鑿坏迹，交辟毀車焚。果然樵山老，不失為徵君。

過溪雲精舍懷正相開士在西洛

雲離忽雲合，疊疊復盤盤。松子向人落，山光滿屋寒。
極

心六時好道眼百年看今夜託遙夢秋聲八節灘

訪太湖上周丈仲文

幽居小沈瀆枉訪遂天開山好在舍下雲生交曉間美
田秋有穫青桂暮相攀士十何言老夫君多古顏
祁隱君嘉方遊南山歸索予贈詩

有客著遊履齋心三日遲循泉入澗戶囊藥出松帷丹
錄不可瀆白雲以為期還家話山水佳處似嵩伊

過安隱寺泉上

扁舟五十里到寺門清寒與老松遇暗隨孤磬行鳥
時來石紫苔欲上山樞愛此池頭水汲之雙玉盃

江上得大梁賈十三源書

袖手坐清曉，沉吟十月初。
江寒雁無次，山遠樹生疎。
庾氏少新產，何郎有故廬。
殷勤望來使，花下洛城書。

題江寺左壁

江寺晝冥冥，江楓照路青。
衆山自駢抱，一雁遠零丁。
何處聞吹笛，有時逢負苓。
寬鞵獨未去，炊飯飯荒亭。

李居敬自長興來以下若酒見遺作詩答之

懷君在西吳，江鄉隔山縣。
落葉寒先聞，新雪晚窺見。
五言詩教微，一笑道心善。
昨來下若舟，良醞殊可戀。

贈吳興七歲童子沈望齡

名父有佳兒弱齡秀眉目熟誦去小經趨步就東一作塾
 懷中出芳稿奉親歡娛甘味抱貞性踰淮良不渝更
 聞一作作書粉蠟紙何膩想見落筆時能為楚頌字白
 門一作先生歌心手毋相忘紫衣誇人前似王家七郎

汪員外澹人招要林館飲酒賦詩

杪樵樹底青惜曲池怪石羅堂襟芳樽畫陳朋盍簪
 主情稠疊手奉斟賤子取醉樂不任復設茗事在本尋
 徑山雙井開蓬心水味極淡茶味深丰甌嫩色如秋陰此
 時宜聽風中琴戴公兄弟懷瓊琛大小雅言和其音
 謝家兒好耽書淫一門有集煩雕鐫何幸與之同清吟

屢訪石林書堂畱必竟日輒賞鄙詩奉酬一篇未
足以報君子良情也

一過石園坐再來林悅眠對石澹無語開林夕生娟主人
與客同晏處釋塵服千鴟酒常持七略書可讀是月
暑雨多顛顚其如何華鑣嬾相逐時、叩巖阿我詩衆
口嫌苦味失調適愛之獨有君天上矜標格鶴不浴而白
玉不寒而溫豈意歎賞間聞此長者言

閔君改亭邀其郡中士友自小東門汎舟仁橋
余亦繼游因作長歌

小秦淮上風光賤隔歲鉛華阻相見水本無情却有情

綠波如對故人面君今沽酒并買舟連臂紫衣招白頭
月負紅橋好天氣雙鳥梳翎新雨收五月荷柳共清坐
花開不多葉頗大芳草難缸醉罷休離愁別怨毋輕說
東船沸管露西溥西船催殘燭漸殘莫笑吟詩苦鉤棘
游絲書滿杼囊看

張水部出觀常范寬畫獨山草堂圖

畱我看畫雙瞳明笑啓厨鑰開寒廳短童捧出頗矜
貴兩頭小軸魚膽青宋楮堅光未塵壞款字低行類垂蘿
盡中遺事畫外尋慢展輕又且高挂一峯孤撐如破
巾下集精舍床少塵林花新沐方過雨爐香不絕疑有

人當年妖禍遭非妄前藏賈相後嚴相細說流傳茶
話多却喜雲巒尚無恙先生棄官卧漳濱葛衣典
庫長飢負此畫勿失若此樂可換三東之粟十東薪

乾隆元年八月余遊京師十月驅車出國門之曲
阜縣展謁孔廟中古柏皆舊時熟識者裴
回久之作長歌一首

八月飛雪遊 帝京栖苦面誰相傾獻書嬾上公與卿
中朝漸已忘姓名十月堅冰返堠程得行便行無阻行
小車一輛喧四更北風恥作鷓鴣鳴人不送迎山送迎縣
之豆之殊多情冷光寒翠眉際生先師儒里瞻尊榮

入廟肅拜安心旌難者何必刑牢牲告日藝事通微
誠嗚呼五經昌且明吾欲手寫承熹平字畫端謹稿
俗猥隸學勿絕用乃亨刻石嵌壁開知音此間古柏含元精
壽可千歲厯戊庚左圍右列如墉城弗為火奪惟汝貞
舊時熟識母車盟日坐其下繁籟清恍然奏樂聞笙笙
旅歲云暮取琴彈之久不成曲感賦二首

軫上流塵撲又生彈時十指少和平枯泉僵木若箱口
始信無聲勝有聲

相較伶人絕路憐不成三歎輟哀弦刺船吾欲尋師去
且住青山一百年

魯中雜詩

余留魯中四月桑樞達戶儼若古之寔人凡朕

於目書於心皆記之覽奇傷逝時有所寄每作一
詩能過而口誦者得齊叟焉叟年已七十餘為此
鄉先輩孔民部舊客不深讀書頗具孤竹國
老馬識塗之趣噫叟之於余亦可謂知言也夫

雪裏絺衣客斯炊伴狂何以恰朝饑新歲奇貨古刀
布錢癖居然似富兒

溺飲湛冥已喪真長年長夜復千巡國中所見皆糠粃
捐酒毀器無其人

會稽內史負俗姿字學荒疎笑騁馳恥向書家作奴
婢華山片石是吾師

病與水沉香有緣一官輕蛻若秋蟬齊州之大在几案
冷落誰看九點煙

粉脂塵土掃除空宋楮唐儋屬化二十八王郎太辛
苦只堪貴戚畫屏風

諸峯橫黛浮簷前我獨攬遊尋丹鉛拄杖且從嶽東
去恍騎白龍上青天

琵琶纖手失春蔥欲續么絃調不同殘燭淚流花暗泣
傷心偏話玉熙宮

三薰三沐開徑囊精進林中妙意長禮畢小身辟支佛
寫時指放玉豪光

寒夜聽韓丈彈琴送姜五入蜀

不聞人聲聞水聲其妙却在琴中生惜別悲離彈亦苦
幽咽催天明

天明日出送高臺馬亂嘶時首重回莫忘昨夜傷心曲
此去瞿塘豔瀕堆

寄詠公

息心想緇塵風味本來殊無垢林如洗獨眠鶴太孤瘦
權多秀句嬾瓚在名區此日詩新得解衣有智珠

廣陵客舍病目長歌遣懷

桃花不紅李不白病眼難分好顏色眼中如火如撒沙以
手扶之出不得三朝眩痛迷西東兼旬昏瞢復朦洗
處當求上池水吹來偏是少姨風道家養目專用晦万
物何勞晝長對六時息翕下垂廉視弗在外視在內新
學此方坐鎗惟攝形神屋同枯廬七重惱熱盡退滅自
然銀海生華滋楊叟吉人善醫有仁智問疾殷勤隔日
至親為量煎藥一囊我忽心悲去年事客秋九月憂患
并哭罪好友青又哭兄幸山推殘蘭茝傷鵲鴿老淚傾
瀉歲喪朋入春幽結頓萌發遂今雙瞳更恍惚片詩吟就

祭延光

眼神

帝鑒其微宥其罰他鄉已近寒食天耳畔

香輪雜畫船草綠河橋未能見贈鈿拾翠笑無緣

同里陳君授衣屢來北郊問予目疾必獨吟花下
盡日乃去因作二詩寄之

嬉春不出畏風霾眼洗黃連涼一回半月煙廊花已謝
大開時候幾人來

暗吐濃香朝日催閉門負却小傳杯紅枝之下
有清吟薛秀才

飲吳四薌林草堂出二小姪相勸

交道在名邑招要共勝緣酒知京口好人愛竹林賢
小雨

□寒玉侵苔見古錢老夫有行色來日九江船

閻汪六巢林將次移家寄之以詩

落、與君好相憐老勿謾此生同瓦礫無累及兒孫心外
得太古耳中間妙言草堂賞若辨先辨種魚軒

真州方云可村雨後置酒放舟至紗帽州看隔

江諸山余先成詩和余韻者十人

通宵一雨破天慳雨止放船主客閑詩老有情惟白髮
貪看難捨是青山樹添涼氣滿衣上江送好聲來酒間
記得十年前獨汎高吟曾過落星灣

冬心先生續集上卷終

冬心先生續集下卷

錢唐金農壽門

自廣陵還江上養病舊廬寄丁高士敬身
三年始歸計自此遠埃氛因病得奇福閑言無苛達
林見山果守戶有江雲往復者誰子城南丁隱君

曉起入西湖周覽湖中諸山復捨舟度黃泥嶺
憩靈隱寺門觀南宋人紀遊題字予出馬希
仁所斲琴蜀僧為彈商音一曲是日心意恬
適放筆成歌有未盡者以俟再來

二壁有退脫苦櫻獨眠遙夜華津生曉起東方半辨

色宿林投作鳥忘其聲敲石得火鐙挂壁洗頭濯足

四體輕一童抱琴一童扶柳樵突如山庶前後行重壑

居然在胸次久未覲面心長傾笑撐孤艇出湖濱此湖天

下無此青青山之青分外青逼真故人雙眼睛遠兮近

兮紛來迎捨舟造嶺入幽翳縈鞢寬鞢正試霜新晴蕭

九娘家炊午飯野菹柔菽同為羹選勝且向寺門坐千

龕禮佛陰苔平谿衍古洞搜舊蹟咸淳姓氏昭文明吾

本州士走他縣少而將老纔題名大書懸厓能往哲即事

差免譏荒僮何來蜀僧論琴旨請彈雅曲銷塵情塵

情既銷音轉妙松手水耶交相爭始悔廣陵城中作騎

客徒飽惡食形拘攣

坐冷泉亭迫暮止宿僧舍明旦出山復至泉上

取別口號二首

奴、亭下醉衣塵清坐斜陽想淨因莫怪流泉作人語
不畱人聽反催人

僧房借宿五更起決、有聲曉不休此水殷勤出山送
老夫一步一回頭

湖上後山、行是荒寒無人處

歸來日、乞天開合在雲巒煙岫間可笑三年廣陵佳
低頭從不見青山

松下道心深復深叩之欲出洞門陰袖中十字風泉響
却敵豪家一餅金

夜坐小善菴

到此徑路絕果然毛骨清久之散雲氣初不辨泉聲見
葉淨可寓精藍夙有名香長與粥薄夜話記前生

近得一琴其上儼若落梅伶錯派波演漾真上

代物也撫賞之餘作長句歌記之

長琴一張得之天作媒乾紅色間真古材水多態花亂
開細數梅有五十九朵波有千百折還迴日坐空堂壞
梁生野苔不彈則已彈則清風來掃却俗聲吹去死灰

其音也實知者昧山中猿鶴毋疑精鳴呼瞽師瞽叟
知吾哀

辛甫先生官長興時於鰲郎泊上製一小舫名曰
萍床宜卧宜坐獨自吟泛予以年渡彭蠡溯漢
江觸處遭險近始息影敝廬稱不出翁矣今先
生領多司居武林未知舊宰之地方舟係波皆無
恙否因賦二首問訊并記予未曾從先生棹歌
之後也

兩足黃梅想着他係波顏色近如何浮家泛宅真忙事
不及萍床自存多

高檣七觚翔鷺迴定被先生一笑咍泊上無風又無浪可
常來却未常來

屋後荒篠冬心先生歸未復理成林春雨既作
清夜可聽因懷楚中劉六丈道原六丈性亦
好竹其同深矣千里屬寄以慰相思

移、竹間雨久不聞此聲好似故人至長話池上清一燈
夜將半小閣天未明所宜是何夢、在湘江行

江上沽酒中酌漫成短歌

春江照戶若我私春山笑人亦故欺惟我得知人不知有
酒客飲真是癡青州從事歡相約一醉千場恍如昨

山月江風它處無，可教月墮風零落。

先姊之最小女阿真早殤，頻見於夢，作詩悼之。

姊家小女恨難留，新草新墳春復秋。
尚記衣裳素梨棗，而今剩下水饅頭。

與丁隱君敬身詣南屏山中訪釋子讓公

君袖石我負琴，癖各具癖。心同心妙，僧須向巖中尋。
今年南屏暑早退，入寺人影涼愔愔。僧留樹下坐移日，
飯香莽苦意頗深。石有高格，居然列上品。琴多異光，直
可輕黃金。天教此僧，貪態捶琴弄石發。冷吟奇賞俱
足愛，之至疑石能語石。反瘡一僧二老，歡喜相對滋味。

如秋陰

余第三兄晚為浮屠自號聿山道人暇日過其山

中作歌美之

酒肉和尚是我兄何礙長眉古先生不恤文字多禪悅
罔知有禍如盜爭我過五十將六十未能為僧徒鬱邑
虛名却受世所擯扶石叢灰人每及阿師住山不出山野
雲冷泉相往還小弟年已老吳楚山中野雲冷泉應咲
多厚顏

送分司韋甫範先生仍為長興邑宰同丁敬身作
送君不奉旨與曩恐君飲之生別離送君不陳餘與竹

恐君聽之傷心目果然無酒無管弦但多愉悅捐憂悵
一作稽留山民龍泓子共理茶經檢畫史十月分司不值錢
好詩方得千古傳北郭開丹何所見秋風騷々雲物變
日復一日年復年連峰疊嶽青如前仍作長興舊令
尹縣中父老爭相迎朝光朗河上水有情重來偏照長
官清

南屏山中觀米外史琴臺石刻云字同少穆月
田江聲抱樸樊榭設林堇浦敬身竹田寸田鷗
亭諸君大恒讓山之上人作

一僧導我行南山小而巋石閣雲蓬々松風喧靡々突

見米顛書剗削瘦螭擬慨想趙宋間操優者誰子琴
亡臺亦亡何以辨物始惟餘徑尺字筆畫古苔委此音渺
不聞翻爾戀寸晷重湖多少秋忽落青鞵底

辛夷花歌

辛夷隔辛夷花開晶白春風家有如仙姝手搓粉
些、花不自奢香為奢細數九瓣非天斜遠鋪堂富貴
之繁葩主人招客歡為無涯笑傾酒庫何須賒一醉恍若
凌輕槎盛時追想金蝦蟆

段柯古辛夷花詩有
金蝦蟆射花光白句

輓顧丈月田之首

清宦三朝久飄然憶故廬健無須竹杖歸却為鱸魚傾

坐詩先出游仙夢不虛傳聞感微疾撒手事何如
正享太平日先生何遽亡迴腸悲宿薤老淚洒陰堂段
氏食單吟陶公醪法荒明年秋雨裏菊萎罷重陽

十一月九日同少穆江聲抱璞璚榭葭林堇浦敬
身竹田集鷗亭高齋待雪有作

風淒百草病我心感幽牽微霰方將集共恥西齋前
索氣逆鼻稜寒聳肩先嘗元相醞早設江郎遣
何時積三尺結想林中天狂飛如亂中一白同瓊田洛社
游竹期鄧曲和罕傳凍鶴當為謀今年是堯年

新雪同少穆葭林作

前年鄒子國昨歲新安江聽雪、不休百壺倒玉缸今
冬倦翮還非客仍是客策、初作聲暄、盈已白邈悵
可辟寒香篝如燒春回憶千里游冷笑當壚人果然
故鄉好街泥少沾浹淨侶得二妙林間鬥茶坐

聞雁同設林作

擣凍寒砧歇辭秋落葉翻一聲驚雁過千里失重昏
霜重月微吐夜殘酒半溫清愁共清聽相感各無言

負暄

偃曝冬曦下天慵一事無煖如飲卯酒癢欲倩麻姑
斲水送寒畛濃霜散野蕪田家風氣古雞犬小康虞

重遊安隱寺獨坐泉上歸從舊時松徑宿于舟中
曉起開行臨平山色歷歷在目漫作長歌紀之

十年前曾泉上坐松毛毵毵松蓋大陰交翠撲六月寒熱
沸金消無一箇今年重遊泉上亭長松拱揖如相迎
可憐老我松不老我髮已白松仍青寺門輒塔影矗
撫松弄泉與僧熟臨平山下晚泊船又共汀鷗沙鷺宿
侵曉行回桑櫓行夜來雨止變作晴數峰有意露
圭角要試先生雙眼明

月中殘雪

沿林月寥廓映戶雪依稀圓處寒蟾濕銷時銀海微

通宵重換酒久立欲添衣樂府何人曲清光門四圍

正月十五夜風雪不止漫賦

芳陌華閨風雪寒閉門空倚曲闌干今年今夜無情
月第一回圓不得看

老來衣上濃香減愁絕尊前脆管孤檢點春遲與春
早江梅尚未吐花鬢

上春同少穆樊榭葭林竹田過寸田齋中試著

小詠四首

芹

楚葵產春

一作青

泥小摘玉一把何勞野人獻堆盤作春社

蒿

新出

一作出

蒿如許羹材風味殊可以芼為食問子園大夫

韭

夜雨剪春韭咀之含芳辛夫君肉食相不似庾郎貧

薺

擷翠試夾提風詩有深取得此薺味甘當思荼菜苦

春來口號之旨

瞥見春來碧玉流東風一日一番遊便生多少傷心事

柳蠹花殤酒醺愁

謝公墅內曾延賞房相池頭更占新此種風情對泣

管細吹輕撥是何人

論畫雜詩二十四首

草堂一所有君王賜隱服還山遠老資十志居然千古事
自書自畫自題詩

唐朝絕藝推韓幹善畫風駿霧鬣奇此法不傳留一語
廐中良馬是吾師

晉公遊戲畫五牛最後一匹金絡頭不比田家晚晴後
一作野塘浮鼻野風秋

風吹草低毳幕孤矮巷胡環卓歌圖燕市肯酬三十卷
明昌印記半模糊

應夢真容入定相我嘗瞻拜生香嗟一燈遠勝十六軸
奇古不數盧楞迦

金陵徐熙海棠好曾見妖紅滿樹開蝴蝶成團蜂逐隊
誤飛來却有千回

筆底三百六十灘忽驚真水喧狂瀾壞廊無佛無僧住
袖拂蛛絲仔細看

長沙助教易元吉畫出榲林翠作堆孤猿喪子吊夜月
月色此時如死灰

南朝官紙女兒膚散木踈花影欲扶此畫不遭香蠹蝕
山移海潰笑須臾

龍眠畫佛畫菩薩三十二品多淨因自後紛、都醜相
刀林沸鑊鬼生頭

我愛宣和最長卷蜀花粵鳥被春迷瘦金書體偏矜貴
不似今人信手題

日共貴遊數趙昌朱闌碧瓦豈尋常宮中團扇画蟬雀
小卉雜窠疑弄香

濃墨米家山大好吳生習氣嗤汝曹蓮房蔗滓都收用
不藉一床秋瓦豪

濠梁雀白工小景內府法絹獨校機酸榴花下雙練雀
只近亞字闌前飛

出門徃徃逢麴車破墨亂畫松
又了毀裂不為豪富奪
黃金無用若泥沙

隱君名不挂朝端物外風標取
次看江路野梅僧壁竹
可教天子賞酸寒

楚山清曉真若蹟南渡流傳直
百金一雙官宦軸零落
裝潢誰知趙孟林

秀木幽坡覆短莎馬和之畫日
摩挲楊家妹子書偏愛
白髮周郎斌媚多

甘風子與果風子細筆減筆俱
通仙但知償酒付傭保
不換三百青銅錢

醉眠伎館溫和尚水墨葡萄濁世誇怪葉狂藤等見戲
儼然一領破袈裟

畫貓驛卒有神技澤吻磨牙逞虎威夜深張壁可絕
鼠果少青油污白衣

一翁七客皆遺老剩水殘山紙上看相對淒涼話亡國
袍藍襖葛巾寒

王孫畫羊吾舊物失去蒼茫異代非春草年々生怨綠
可憐殺雞上天飛

朱陽館主荆蠻民遠岫疎林無點塵也曾著箇龍門衲
此老何嘗不畫人

與薄隱君自昆具舟至木瀆訪汪高士伯子巖東

草堂信宿不去際晚指游池上欣然有作二首

輕舟如身輕溪風喜不逆况與靜者期遂造幽人宅長
林蔽檀栾諸峯見姤媼巾幘無煩苛奈小有清格或
坐或斲眠忘言憺將夕

將夕池上行衆鳥喧而妙游魚無懼心前軒方罷釣願
同魚鳥樂挈杖且一笑石徑宛轉橋小立各領要知君
託樓遜此中可埋照

均雲讀書燈為伯子作

鐵檠棄牆角銅盤夢華胥何如均州窗一燈照讀書

祕色頗可愛宦哥非精儲聞君飽憂患折節誦有餘
昔者都少卿南濠市中居琅、夜弗輟寒暑恒閉廬君
今亦耽此其樂同蟬魚儻逢乞火人與之母躊躇

毘陵道中即景有寄

鳥下煙汀三沐浴花飛風戶百顛狂酒人零落瓊庖冷
不解離愁及斷腸

題西巖精舍

偶來古寺獨經行不見山門稽首迎菜腹阿師無秀白
空留春霧滿箇生

寄長興錢秀才蘭佩

炎塵何處覓茶杯安得清泉繞屋來想着錢郎都蠲
渴三年三上薦春臺

題溪亭琴坐小卷款署咸淳二年臨安陳湛製
點光夜明山氣青山下彈琴溪上亭野鷺無聲鶴忘
睡此時却不要人聽

冬心先生續集下卷

冬心先生續集補遺

楚州張先生攜青毛神龜一頭相贈因賦神龜篇

神龜何來出叢著離靈淵飲而不食壽萬年追想甲
子燒分地天此龜疑是洪荒先其長周尺二形具足其背
曰神屋藏六妙用在信宿屏息無聲忘晦朔青色蔽體
一寸餘首翠飛瑤光舒冷氣逼人三伏初蓑衣仙占卜
奇曾見古皇軒轅同定義張公攜贈意頗重昨乘船
車夜入夢世間凡水多腥涎無憂樹下養以均州十斛大
缸滿注天上泉久之宛若江淮湖海相周旋日對真可蠲
煩惱被疾癘延休貞豈特洗眼增雙明三卷金字經

學得導引教游于黃庭我亦不死與爾終始

酬詩弟子束生枝鳳

前年子來謁蕭寺從我游入林風滿衣六月如寒秋授
以五字詩韋郎最清貴其音近疏達其淡有滋味今年
子更奇弔古狂不休雷塘嗚咽水何事干卿愁知我
燕趙行送別出吟卷纏綿復纏綿一日三見面

乾隆十一年三月廿有六日乃余六十大馬之辰
觸情感事雜書四首非所以自壽也

清江三月好風多自唱年年銅斗歌莫晒求官我無分
金襴不換一漁蓑

白傳無見詩更達蕭郎捨宅計非差春未咲說親書
卷賣與先生掃落花

路河渺々隔天涯記得卿言亦復佳此日荒園失料理
誰收竹粉拾松釵老妻時面在天津女家

快活平頭六十人老夫見道長精神從今造酒營生
壙先對青山醉百巡

龍井山中信步有得遂成四韻

撰杖信所往南山游月新不然訪泉竇或有遇樵人
州媚青於鬢松喧散若塵此心結元契幽鑰啓山真

憶吳興京口諸勝遊作此遣懷以示詩弟子孫生松

不玉函山詩
盧胡二字疑
倒寫

求會詩韻或
改已成以舊

養疾草堂上
暇歲月徂長
饑辭脯膾清
夢落江湖
三癸亭何在
五州山到無
門生侍藍輦
入市笑盧胡

題喻高士大本山居

天教俗械無
即事息羣動
花苦林而減
鐘寒澗風送
清觀思阿蒙
從游有二仲
新著潁陽書
玉檢且一詠

越中祥風寺與禪人間坐

寺古僧亦古
無言相對深
長明功德水
一簇小寒林
雲弄去年色
鶴生連日陰
名山時入夢
只有老夫尋

冬心先生詩

星鳳閣趙氏續補

雜詩

連朝楫杓芋煨遲饑雀聲乾凝凍時獨恹村中祈臘
雪靈旗風颭社公祠

牛欄雞柵塞滿屋藥竈水筒亂堆船一椀春鎗照黃
葉酒人不散對床眠

晒稻場空冬至催齊民要術重田菜熟中阿圖九輦渾
忙事也趁斜陽挑糞灰

蒙頭潤領布衫新點勘農家座右銘可喜木棉花爛
賤太平春屬老人星

狂稱黜帝壓仙曹學道沈冥隱訣高齋戒傳聞清盟
罷僥壇叩齒十三遭

前生臨頓陸龜蒙玉札銀題譜一通不礙竹屏風底
坐塔鈴特地送丁東

殘年鼎鼎馮難迴阻試荒郊解凍醅一路看山并看
雪大開口笑出城來

莫論桃葉與桃根百丈游絲漾客魂記取闔閭城外
泊水肥風暖賣河豚

春水黏天山一角葉花圍店路三叉隔江遠晚鐘響
正是愁人忽憶家

要離塚北青山廡主薄祠南春水虛
香櫓短篷新解得楊花如雪看叉魚

愛君清曲侶屯田難忘江干話
可憐尊酒鱸香好天氣秋風吹皺小觥船

桐葉篇

桐始華三月初桐垂乳四月餘
碧羅張敞風舒能無日影涼生裾
自然長閑東山廬豈可不讀蒙莊書
主
人之瘦於鶴有時獨坐頭未梳
頭未梳庭掃除莫待秋霖摧葉金井虛

董浦先生呂孝廉膺薦入都徵予賦詩書此

奉其教督不足光寵也

川途集微霰相送及新年榮出科名上替聞古聖前
登朝乃無忝補史信流傳我獨山南住山南有薄田

送守瘴五兄之粵口占兩絕句

斬新詩卷杜樊川南粵無端隔遠天刻意傷春後傷
別軟風斜日過江船第三句用李商隱句

一雙兩雙大胡蝶千樹萬樹瘦枕椰我愛羅浮山下路
荔支紅候住蠻鄉

詠湯媼

煎製何須牝牡銅溫湯滿挹注當中徐娘雖老心猶熱

楚女無言體自融
酒冷燭銷期獨睡
風餐雪虐伴衰翁
笑他纖巧玲瓏樣
棄置長門轉瞬空

弄月蓮花溝歌為徐君松源作

徐名本濟

此月團、復團、我呼天上爛銀盤
不照秦女彈箏筵
拉、雜、十四弦
不照楚宮悲秋船
鳴、咽、聲可憐
又不照塞翁黃沙白草枕
戈鋌又不照妖狐拜影狼嘯烟
以
及雪中曳尾之蛆
地下叩頭之蟲
偷吸清光萬、千此
月偏照黃山最高處
蓮花峯頂龍潭前
峰奇石怪松
倔強更與此月相周旋
有一人兮雙碧眼
手弄此月吟詩
篇
詩篇嘲笑壓倒李供奉
飽喫月窟玉屑之飯

稱飛仙

可舟先生自署號曰客吟翁屬丹陽丁君寓六
十二歲晏坐小像于尺幅中而請三十年前老友
杭郡金農為之題因賦長短句以獻之先生
本作者最愛予詩故不惜病夫頽頽之勞也

先生老矣懶上長安碧轂朱軒大道傍
細說少年情事金蟲玉蝶在柳蠹花殤
昔曾讀書芸館不問漂麥與三羊而今
剩得小巾箱中歲客遊湘江楚畹多半
在水郭山鄉二姑九子題詩以復幾迴腸
近日閑門罕出好似顛當段家食譜鑑家
酒場笑辭三萬六千觴愛結

賣鉛徒能琴蒙叟世外之交、最長靜中獨坐自放
心先坐到無聲無影便是神仙却老方聞君有百弓
閒地何妨傳樹牽蘿起草堂草堂前種竹成行

吳四鄉林以名泉相餉作詩報之并寄玉几先
生教而和之

故人遺新泉、味如人味若非筇中接定向松間遞先
滌衣塵繼再嘗玉漿異鄰巷招老陳別茶真解事
柱腹五千卷舌本有品第試君自然鐙蘇林自
製茶具清吟各擁鼻
色奪兔豪杯燥雪良可擬莫使殘客知醉鄉正午睡

養素園十景

繞屋梅花

古屋淨如水，梅花發冷香。
每於疎枝下，窺見月明光。

倚樓臨水

髣髴千頃波，上有高樓好。
蒙莊秋水篇，可以託遐抱。

遠樹柔藍

青々三百樹，一望在平陸。
朝夕與客同，晞々生遠目。

乾溪雨漲

積雨號々聲，入耳非凡響。
一道白於練，便作清谿賞。

夏木垂陰

崇柯累重帷，高吟者誰子。
五帝與三王，不知何人是。

踈雨梧桐

井梧覆蒼苔園扉午後開有客青油傘不辭風雨來

三秋丹桂

丹桂散麝塵其下設茶具四士與五君分詠小山句

古寺鳴鐘

鐘聲古招提淡省未能寐因之思南朝四百八十寺

秋溪紅葉

中園秋氣清丹樹黃如織何待短轅車坐看好顏色

遠山雪霽

雪晴湖上山簇簇磬頭竒孤藤共雙屐昨與幽人期

養素園介壽

七十老而傳其禮見禮經有子策今名文字生芳馨養
親奉甘旨精潔非羊釧君家闢小園竹檻松檟樂志
具閒論戒奢勒新銘玉池濯仙骨丹砂駐長齡是日
風景和消搖乎廣庭載誦難老篇舉觴開雲屏

題自畫杏花

香腮紅兩上林街牆內枝從墻外開只有杏花真得意
三年又見狀元來

觀虹橋芍藥赴盧雅雨之招

看花都似白頭人愛惜風光愛惜身到此百盃須滿

[illegible]